

## E Reis mett ner Prinzessin

Von Zeit zu Zeit muss merr mol verreise. Unn dann doohie, wo merr noch nit war, weil die Welt so groß iss unn so schee, unn weil merr joo aach ab unn zu onner Luft schnupfern, onnern Leit sehe unn onnern Sprooche heern will. Unn sich umgucke will on Orte, von dene merr schunn gelese hott unn wennis nor uff de Etikette von Woiflasche war.

Unn so kams grad richdich, dass die im Flerschemer Blättche so e Leserreis nooch Fronkreich ogebotte hadde, mettem Schiff uff de Rhone unn uff em onnern Fluss, den die Fronzose Sohne nenne, obwohl se Saone schreiwe. (Awwer dess iss joo in Fronkreich so: Die schreiwe onnerst als se babbele, nit wie mir in Flerschem, wo merr joo grad so babbele wie mir aach schreiwe.)

Dess wär was, habb ich gesacht, unn deshalb hawwe merr uns oogemeld, die Fraa unn ich, unn sinn mettgefahrn, mettem Bus nooch Lyon unn dort uffs Schiff, unn außer uns warn noch mehr Flerschemer on Bord, awwer aach Bayern unn Engländer. De Jürgen Sievers hott die Reiseleitung gemacht unn soi Fraa war aach debei.

Dess Schiff hott Princesse de Provence gehaaße unn war so e Hotelschiff, wie merr se aach uffem Moo erumfahrn sieht. Merr soll garnit glaawe, wasferrn Platz uff so em Kahn iss. Weil außer de Gäst wohnt joo dort aach noch dess Personal, 45 Leit warn dess ferr 120 Gäst, unn dort gibts e Empfangshall, e Restaurant, e groß Hall, die Lounge heeßt, e Bar, unn vor allem e Owwerdeck, wo die Gäst sich hieleeche kenne, wenn die Sunn scheint.

Unn die Sunn hott geschiene, de Himmel war blau, dess Wasser glatt, iwverall warn bunde Bootcher uffem Fluss unn weiße Schwän, om Ufer hawwe Ongler gestonne unn Fischreiher, unn alle Aacheblick hotts wass se esse unn ze drinke gewwe.

Jeden Daach hott dess Schiff on em onnern Städtche ogeleecht, von Chalon im Norde bis Arles im Süde, unn iwverall konnsde Rundfahnte mettmache ins Boschollee, ins Burgund, in die Provence unn in die Camargue mett ihrne Flamingos, schwarze Stiern unn weiße Gail. Merr konnt awwer aach uff eichene Faust unner Platane spaziergeh, konnt in schmale Gässcher enoi mett kloone Geschäfte unn uff große Plätz mett vill Leit, konnt Kathedrale besichtige unn Gemäuer von de Römer, konnt sich vorstelle, wie die Päbst in Avignon regiert hawwe unn wie de van Gogh in Arles gesetze unn dess Nachtcafe gemolt hott, unn in jedem Städtche hosde Männer geseh, die mett dicke Kuchele werfe - Boul nenne die dess -, om hellichte Daach.

Unn gesse hawwe merr wie die Fronzose, middaachs unn owends e Menü mett sechs odder siwwe Gäng, awwer so foi, dassde werklich nit zunimmst, außer du host zu jedem Menü e Flasch Woi getrunke. Awwer wer will schunn in der Geechend uff enn Chateauneuf du Pape odder enn Marquis de la Tourette verzichte! Unn e schee Gesellschaft hadde merr gehabt unn vill gelacht. Mir hawwe gelebt – ja wie grad in Fronkreich! Merr kennt joo noch mehr erzähle, awwer ich denk, dess longt, weil merr sonst ze vill verrät unn de Jürgen Sievers hätt bestimmt gonz gern, dass noch mehr Leit aus Flerschem unn Umgebung dess nächste Mol mett sooner Leserreis mettmache.

Awwer oons muss ich noch verzehle: Als oomol unsern Bus uff dem Weech von em Ausfluch mett Woiprob zurick geeche e Einbahnstroof gefahrn iss, hott ooner gerufe: Halt, verkehrt! Awwer der hott nit gesehe, dass doo e Schild war, wo druffgestonne hatt: Sauf Bus, unn deshalb dorfte mir dorchfahrn. Weil dess heeßt: Bus ausgenommen - unn nit dess, was ihr grad gedenkt habt.

Eiern Honnes

**Bildunterschrift**

Fröhliche Passagiere auf der Princesse de Provence